

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**

Broj: 003-0-Su-23-000 592  
Tuzla, 15. januar 2024. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05, 22/06, 63/10, 7/13 i 52/14), člana 8. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17 i 60/17) i člana 126. j. Pravilnika o sistemu za automatsko upravljanje predmetima u sudovima (CMS) („Službeni glasnik Bosne i Hercegovine“, broj 4/16, 37/16, 84/16, 40/17, 34/18, 34/19 i 61/20) predsjednica Kantonalnog suda u Tuzli podnosi

**GODIŠNJI IZVJEŠTAJ**

**o provedenoj provjeri tačnosti i ažurnosti unosa podataka u CMS  
za period 01.01.2023. – 31.12.2023. godine**

U skladu sa odredbama člana 126. a. do 126. l. Pravilnika o sistemu za automatsko upravljanje predmetima u sudovima (CMS) u Kantonalnom sudu u Tuzli je provedena provjera tačnosti i ažurnosti unosa podataka u CMS-u u periodu od 01.01.2023. – 31.12.2023. godine.

Provjera je izvršena pojedinačno za svakog sudiju, sem sudija koje se nalaze na dužim bolovanjima i novoimenovane sudije koja je u sudu kraći vremenski period. Provjera je izvršena u 5 predmeta sudije po referatima i statusu predmeta automatskim odabirom predmeta kroz CMS izvještaj “Lista predmeta za provjeru kvaliteta podataka” po unaprijed postavljenim parametrima, a sve u skladu sa Smjernicama za provjeru predmeta krivičnog i prekršajnog referata i Smjernicama za provjeru predmeta parničnog, privrednog, vanparničnog, izvršnog, upravnog i zemljišno – knjižnog referata.

Provjera je provedena upoređivanjem fizičkog stanja sudskog spisa sa elektronskim stanjem sudskog spisa, odnosno stanjem podataka

evidentiranih u CMS-u, u smislu provjere njihove tačnosti, potpunosti i blagovremenosti evidentiranih podataka.

Rezultati provjere koji su utvrđeni, kao i uočene nepravilnosti konstatovane su u Obrascu broj 3. – Izvještaj o provedenoj provjeri tačnosti i ažurnosti unosa podataka u CMS.

Uočene nepravilnosti u svim pregledanim prvostepenim i drugostepenim krivičnim predmetima odnosile su se na slijedeće nedostatke:

- u nekim krivičnim predmetima nedostaje popunjeno polje „Općina/Opština mjesta izvršenja krivičnog djela“;
- u nekim krivičnim predmetima nedostaje podatak „Datum izvršenja krivičnog djela“;
- u jednom krivičnom predmetu nedostaje jedinstveni matični broj za optuženu osobu;
- u jednom „Kž“ predmetu nedostaje službena zabilješka od 28.07.2023. godine;
- u jednom „Kžk“ predmetu nedostaje obavijest o odgađanju pretresa od 27.04.2022. godine, te je uočeno da je u tom predmetu greškom uložen podnesak advokata, koji je trebao biti uložen u drugi predmet „K“. Također je u „Kžk“ predmetu uočeno da nedostaju podnesci upućeni sudu i pismena izdata od strane suda u vremenskom periodu od 12.07.29.11.2023. godine.

U drugostepenim prekršajnim predmetima nije bilo utvrđenih nedostataka i nepravilnosti.

U drugostepenim parničnim predmetima i predmetima upravnog spora nije bilo utvrđenih nedostataka i nepravilnosti ni u jednom predmetu, iako je provjera izvršena u predmetima 19 sudija koji rade na ovim referatima.

Nedostaci koji su se ticali nedostatka u predmetu podatka o mjestu izvršenja i općini izvršenja krivičnog djela ne mogu se unijeti, jer te podatke treba unijeti Kantonalno tužilaštvo Tuzlanskog kantona prilikom podnošenja optužnice, obzirom da se ti podaci povlače direktno putem CMS od Kantonalnog tužilaštva.

Također u predmetima u kojima je nedostajao jedinstveni matični broj optuženog lica nedostatak je otklonjen unošenjem naknadno jedinstvenog matičnog broja.

U „Kž“ predmetu broj 28 0 K 079989 23 Kž u kojem je nedostajala službena zabilješka, ona je izvučena iz CMS i uložena u spis.

U „Kžk“ predmetu broj 32 0 K 281889 21 Kžk uložena je obavijest o odgađanju pretresa od 27.04.2022. godine, koja je nedostajala, te podnesak advokata koji je greškom uložena u „Kžk“ predmet, uložena je u predmet „K“ na koji i glasi. Također su u spis uloženi podnesci koji nedostaju, a koji su bili upućeni sudu ili izdati od strane suda u vremenskom periodu od 12.07.2023. godine do 29.11.2023. godine.

**Nisu utvrđene nepravilnosti ni u provjeri predmeta kojima je zadužena predsjednica suda.**

Predsjednica suda će i dalje, shodno odredbi člana 126. k) Pravilnika o sistemu za automatsko upravljanje predmetima u sudovima, preduzimati mjere za prevenciju nepravilnosti, kao i u prethodnom periodu, cijeneći da će se istim podići nivo kvaliteta podataka koje sudovi imaju obavezu evidentirati u CMS, shodno Pravilniku o sistemu za automatsko upravljanje predmetima u sudovima.

**PREDSJEDNICA SUDA**

Indira Hadžimehmedović